

Piro Clavis. Canon. Andrea de Sa

Chequis indicium

Autor



GRAECUM DIPLOMA ἀνέκδοτον

NUNC PRIMUM

EX ARCHIVO CASTROVILLARI PROLATUM NOTISQUE ILLUSTRATUM

CUI ACCENDIT

EXCURSUS DE AURI TARENIS

NEC NON

ALTERUM DIPLOMA LATINE CONSCRIPTUM
EX EODEM ARCHIVO PRODUCTUM

A

IULIO MINERFINIO

..... Tam nil nulla tibi vendo
Iliade (*Pers. Sat. I. v. 122.*)



NEAPOLI

EX TYPOGRAPHIA TRAMATER.

MDCCCLXVIII.



VIRO CLARISSIMO DOCTISSIMOQUE

FRANCISCO M. AVELLINIO

EQUITI, IURIS CONSULTO, ATQUE ANTECESSORI

ACADEMIAE REGIAE HERCULANENSIS, ET PONTANIANAE.

SODALI AB ACTIS PERPETUO

IULIUS MINERVINIUS

S. P. D.

Quinam plus in re litteraria debeam si quis a me postulet, alium a te, Vir doctissime, proferre non possim. Quippe qui me semper summa benevolentia exceperis, in hac ingeniorum palaestra contendentem incitaris, consiliis adiuveris; denique ex bibliotheca tua copiosissima, quam tot tibi sumptibus exornasti, mihi litterarias gazas usque utendas obtuleris; tot mihi graecos latinosque auctores nec non eruditorum elucubrationes dederis evolvendas, ex quibus si

quid profeci, quod sentio quam sit exiguum, ope tua potissimum fateor profecisse.

Haec tantaque benevolentia arctius quam cognatio, quam inter nos natura ipsa constituit, sic me tibi devinxit, ut amor meus, et observantia tui ad summum excreverit, quibus evenit ut semper mente recogitarim si quid possem efficere, quo gratus animus erga te meus patefieret.

Cum ergo graecum diploma a Castrovillari Parocho receptum legerim, exscripserim, meisque animadversionibus instruxerim, tibi id qualecumque operis dicare constitui.

Membrana ea erat ex Archivo Castrovillari eo modo exarata, ut non nimis legenti difficultatis afferret; si paucas notas excipias, quas potius interpretari quam legere oportuit.

Accentus qui signati erant non exscripsi, laborique huic supersedere melius existimavi; de contractu enim agebatur nihil elegantiarum, atque concinnitatis praeseferente: ideoque poteram quidem omnia quae ad linguae accentuumque rationem spectarent, omittere.

Quod ad interpunctionis signa pertinet, omnia cola, ut erant in exemplari, punctis distincta servavi; cum id mihi plane novum, et a communi consuetudine alienum videatur.

Haec membrana id illustrat, quod iam ex diplomatis a Montfauconio prolatis, nec non ex Friderici II constitutionibus ipsis compertum erat, graecae linguae usum in Bruttiiis nostris numquam ad XIII usque saeculum defuisse.

Cum meo ad hoc diploma Commentariolo de Tarenis aureis Excursum adiiciens, alteram quoque latinam membranam ab eodem Parocho ad me missam produco; omnia enim, quae in tenebricosis Medii Aevi rebus aliquid lucis praebere valent, diligenter proferenda censeo.

Haec, pauca profecto Tibi, Nomini tuo, Vir Summe, dicata volo. Sed quid? Suspiciabitur fortasse quispiam, non esse grati alicui indicium, at potius gloriae cupidi, qui opellae capiti Tantum Nomen inscribam. Quid respondeam non video. Vale.

Dabam Neapoli Prid. Kal. Sextil. A. Salutis MDCCLXXXVIII.

✕ Σιγνοχριστον (1) Εμμης γυνη (a) (sic) του ἀποικοινομένου
Ἰωαννου Γαλλουε.

✕ σιγνοχριστον Νικολαου υἱου αὐτῆς.

✕ Εν ὀνόματι τοῦ Πατρὸς, καὶ τοῦ Υἱοῦ, καὶ τοῦ ἁγίου Πνευ-
ματος, ἡμεῖς οἱ προγεγραμμένοι τα σιγνα τοῦ τιμίου, καὶ ζωοποιου
σταυροῦ, οἰκισαίς ἡμῶν χερσιν ἀνωτέρω ποιήσαντες, τα δε ὀνόματα
ἡμῶν καὶ ἐπωνύματα, γράφοντες διὰ χεῖρος τοῦ ταβουλλαρίου, (2)
τῇ ὑπαρχούσῃ συγγραφῇ ἀπόλην ἀποχῇν, (b) καὶ καθάρην δια-
πράσιν, τιθεμεθα, καὶ ποιῶμεν, σοὶ Τομασῶν γυναισι, καὶ τοῖς κλη-
ρονομοῖς σου, καὶ διαδοχοῖς, καὶ παντοῖς (c) (sic) σου διὰ καποχῇν.

✕ Crucis Signum Emmae uxoris defuncti Ioannis Gal-
lone.

✕ Crucis signum Nicolai
filii eius.

✕ In nomine Patris, et Filii,
et Spiritus Sancti. Nos supra-
scripti, venerabilis, salutaris-
que crucis signa, nostris ipsi

manibus antea facientes, et
nostra nomina nec non cogno-
mina scribentes manu tabula-
rii, praesenti scriptura simpli-
cem apocam, puramque ven-
ditionem facimus tibi Tho-
mae Gynesi, et hercdibus tuis,
omnibusque successoribus tuis,
ut possideatis.

(a) Lege γυναῖκος.

(b) ἀποχή - acceptatio, acceptilatio notat Ducang. Quamvis notare
scripturam apud Graecos satis cognitum v. Heinec. Inst. L. 3 T. XXII et
quae observat ad §. 863 qui ius Neapolitanum subnectit.

(c) παντοῖς, certe pro πάντων q. d. et successoribus etiam omnibus
tuis. Non est enim quod cogitemus ad πάντων perpetuis. Doc. v. πάντα;
nam tunc accentus acutus non esset in penultima, sed circumflexus in
ultima, contra ac est in diplomate.

δια ἧς ἐναλλαγῆς. καὶ αὐθιγὰς ὁμολογοῦμεν, ἀπενταυθεν (a) ἤδη, πεπρασασθαι σοὶ τομασίῳ Γυναισι. καὶ τοῖς κληρονομοῖς σου, κατὰ πρῆξιν νομον. (3) καὶ δεσποτον (sic) *δικαίον. τὸν ἡμετέρον ἀμπελωνα, τὸ ὅπερ ἔχομεν ἐν τῇ διακρατῆσει (b) τοῦ ἀστῆως ναοῦ (4) Σουεων. [ἐν τοσῷ κοδὶ τοῦ Σουφαίου]? (c) (5) τὸ ὅπερ ἀμπελον (d) διαφερεται ἡμῖν ἐκ τοῦ ἀνταλλαγματος. περιορίζεται δὲ τὰ μερῇ οὕτως, τὸ προρηθὲν ἀμπελον, ἀπὸ ἀνατολῆς. τὸ ἀμπελον τοῦ Ἀντισίου Βαλδο (fortasse) λήχθαιτος. δυσσεως δὲ ἡ ὁδὸς. ἀρτιοῦ δὲ ὁμοίως ἡ ὁδὸς. καὶ ἀπὸ μεσημβρίας. τὸ ἀμπελον τοῦ Τομασίῳ Γυναισι. Τὸ ὅπερ διαφερεται αὐτῷ ἐκ μερὸς τῆς γυναικὸς αὐτοῦ. καὶ συγκλίνει. τούτῳ οὖν τὸ συνοριασθὲν παρὰ μερῶν ἀμπελου. ὅσον, καὶ οἷον ἴστιν. συν εἰσοδῷ καὶ ἐξοδῷ αὐτοῦ. πεπρασσομεν σοὶ Τομασι. καὶ τοῖς κληρονομοῖς σου, εἰς τὴν μετὰξ (e) ἡμῶν συμφωνήσισαν.

Quo contractu nos ipsi promittimus iam nunc vendere tibi Thomae Gynaesi, hereditibusque tuis, secundum legem antiquam, et ius vigens, nostram vineam, quam habemus in *tenimento* civitatis novae Suevorum [quo loco olim erat Sypheum]; quae vinea nobis delata est ex conventionē. Dicam vineam vero finitum latera eo modo. Ab oriente vinea Antonii Baldo ita dicti; ab oc-

cidente via: a septentrione similiter via; atque a meridie vinea Thomae Gynaesi: quae delata est illi ex parte uxoris ipsius: et claudit.

Haec ergo finitio laterum vineae, quanta, et qualis est, cum aditu, et exitu, hanc vendimus tibi Thoma, et hereditibus tuis, pretio, quod inter nos convenit, nobisque placet, tarenis auri duodecim. Quos auri tarenos nos ex ma-

(a) ἐπένταυθεν pro παραπέντα Duc.

(b) διακρατῆσει eodem modo quo διακράτημα adhibetur. Verti in *tenimento* ut phrasi uteretur tum saepissime usurpata.

(c) ἐν τοσῷ uncis inclusi, nam ita suspicor esse legendum cum non sint omnia clara in diplomate.

(d) ἀμπελον in neutro genere novum.

(e) μετὰξὲν erratum pro μετὰξ. Proprius modus est τὴ μετὰ τίνος συμφωνήσασθαι: sed κατ' ἀναλογίαν superius dici potuisse existimo. Aliter Polybius δ' αὐτῶν σύμφωνοι γίνεσθαι παρὰ τίνος. Hist. XVII c. XI 5 edit. Schweigh.

και ἀρρεσκουσιν ἡμῖν τιμὴν. ταρια (6) χρυσοῦ δεκαδύο. ἀπερ ταρια χρυσοῦ. λαβόντες ἡμεῖς ἀπὸ τῶν χειρῶν σου. εἰς τὰς ἡμέτερας χεῖρας. πᾶσαν ἀγωγὴν. (7) τοῦ τῆς μονῆτης (a) ἀρυθμοῦ. και τοῦ μη σταθισομένου χρυσοῦ. δικαίον τε και νόμον. και πᾶσας διατάξεις. (8) και πᾶσας δεδοικασμένας συνθήκας. καταλείποντες. οἳ τινι ἡμῶν συντραχέιν ἐν τούτῳ δυνήσουσιν. εὐθύς. ἐποιήσαμεν σοι Τομασι Γυναισι. και τοῖς κληρονομοῖς σου τὴν παρουσίης τῆς διαπράσεως συγγραφὴν. τοῦ ἀπὸ τοῦ νυν και εἰς το διηνάκες. ἔχειν σεαυτὸν το προρηθὲν ἀμπελόν. εἰς τὴν σὴν ὑποτάχην. και ἐξουσίαν. πωλεῖν. (9) χαρίζομενος ἀνταλλάττειν. προῖξιν (b) (sic) υἱὸν και θυγατρῶν. γράψασθαι. και ποιῆσαι αὐθεντίας. ὥστ' ἐξουσίαν και δεσποτείαν κατ' ἡμῶν εἰληφας. μη κολυόμενος παρὰ τινος. εἰ δὲ ποτε καίρῳ. ἢ χρόνῳ. ἐπιφανῇ τις τῶν κληρονομῶν ἡμῶν. ἢτε τις ξένου προσώπου. ζητῶσιν. (c) ἢ κινῶσιν. ἢ ἀγωγὴν τινα βουλομενος ποιῆσαι κατὰ σου. ἢ κατὰ τῶν σῶν κληρονομῶν. τοῦ ἐστασθαι ἡμᾶς. και διαδικαίειν (d) σεαυτὸν ἀπὸ παντός ἐναντιούμενου προσώπου. και σε

nibus tuis in manus nostras accipientes: omni actioni non numeratae pecuniae, et auri non ponderati; iuri ac legi, omnibusque constitutionibus; et omnibus probatis consuetudinibus renunciantes: quae res nobis in hoc possunt auxiliari; statim fecimus tibi, Thoma Gynaesi, et heredibus tuis hanc praesentis venditionis scripturam; ex hoc et in perpetuum: ut ipse dictam vineam habeas in dominio,

ac potestate: vendas: gratuito alienes: dotem filiarum; filiarumque scribas: et ipse facias quasi dominium, ac potestatem a nobis acceperis, a nemine impeditus. Sin vero aliquo casu, aut tempore, quis appareat ex heredibus nostris, aut aliqua tertia persona petitionem, iudicium, aut actionem aliquam intentare volens contra te, aut contra tuos heredes: nos in iudicio stare heredes: nos in iudicio stare (pronittimus) et te ab omni


(a) In infimae graecitatis auctoribus μονῆς reperitur. Ducang. h. v. sed etiam μονήν fortasse adhibitum.

(b) προῖξιν male pro προῖκα, à recto προῖξ.

(c) + pro η usurpari solitum.

κίρησις - quasi ἀγωγή: ita κίρησις τῆς ὑποθήκης apud Ducang. v. ἀγωγή.

(d) διαδικαίειν, defendere, et condicere.

ἀζημιον διαφυλάττειν, εἰ δὲ καὶ τοῦτο οὐ ποιοῦμεν. ἀλλὰ μεταμελὸς γενομεθα. ὅπερ οὐκ ἤγουμεθα. ὁμολογοῦμεν τοῦ ζημιουσθαι ἡμᾶς, δι' αὐτῆς βασιλείας κορτῆς, (10) τοῦ αὐθέντου ἡμῶν βασιλέως, αὐγουσθαλια (11) τριακοντα σ. καὶ εἰς' οὗτως ἐστὶν ἀρραγή, καὶ ἀπαρσαλευτοσ. (a) ἡ παρῶσα διαπρασίς, μετὰ τέρμα τῶν αἰώνων, καὶ πρὸς σε τομασίω, τοῦ τιμήμα (12) εἰς τοῦ δουλοῦν ὁμοίωσ. ἡ περ συγγραφή, δια χειρὸς ἐμοῦ Ἰωάννου νοταρίου, (13) καὶ ταβουλάρου, ἀστέως νεοῦ Σουεων, ἡ γουν Καστρουβιλλარი, (14) δι' αὐτῆς βασιλείας Κορτῆς, τοῦ αὐθέντου ἡμῶν βασιλέως Φρεδδερικου, (15) Μηνι Αὐγουστου, ἐνδικτικωνι τριτη, (16) ἐτους (b) (17)  † ν γ' παρῶσι κριτου, (18) καὶ χρησάμενων (c) ἀνδρῶπων.

contraria persona defendere, et incolumem tueri. Sin vero id minime fecerimus, sed nos poeuiteat, quod haud ita fore putamus, promittimus multari nos apud hanc Regiam Curtim regis nostri, in Augustalia sex et triginta. Atque ut ita sit inconcussa, et ineluctabilis praesens venditio in finem saeculorum; etiam ti- bi (promittimus) Thoma damnatum in duplum. Quae scriptura (exarata est) manu mei Ioannis Notarii, et Tabularii Civitatis novae Suevorum, h. e. Castruvillari. Apud eandem Regiam Curtim ipsius Regis nostri Friderici Mense Augusti: tertia Indictione: anno 6753 praesentia Iudicis, et hominum subscriptorum.


Post tris sigilla, quas hic ponere voluimus, sequuntur testium subscriptiones.

Ego delato (d) terrae Castruvillari Iudex

Ego frater dicti diaconus interfui, et subscripsi

Ego Guillelmus Grecus testis sum.

(a) ἀσάλευτος imitatum est, non vero ἀπαρσαλευτος, sed linguae graecae analogiae minime repugnat.

(b)  haec forma τῶν Vau episemi, similis est ei quam, inter plurimas, refert Eckbelius. Doctr. Num. Vet. T. IV c. XX Sect. I.

(c) χρῆσασθαι est manu designare, ut ex Eustathio Ducang. b. v.

(d) *Delato* pro *delatus* novum non est: ita est in veteri diplomate « Egoque super Ioannes Presbytero et canonicus scripsi, et compleri feci liciter » apud Murator. Dissert. sopra le Ant. Ital. XII T. 1 p. 92. Multa etiam monstrosa vocabula in suis papyris offert Maffei Stor. Diplom.

ADNOTATIONES

(1) Σταυροχρῆστον Crucis signum v. Ducang. Glossar. v. σῆ-
γνον. 1366. et Tabulam tertiam initio Glossarii. Certe cum nec
Emma, nec filius scribere scirent, signum Crucis propria manu
fecerunt, quod pro nomine valuit. Idque in huiusmodi con-
tractibus fieri solere ex temporum ignorantia colligimus, nec
non ex contractu latine conscripto, quem subiecimus: in quo
et contrabentes et testes, pro nominibus crucis signum delin-
neant: nomina vero scripta esse a notario ex eo inferitur,
quod unus character sit. Etiam ante id temporis testes qui
scribendi ignari non essent propria manu subsignabant, nullo
crucis signo adhibito, contra ac qui scribendi inscitia la-
borarent. Exempla sunt apud Maffeiū (Stor. Diplom. Oper.
Venet. MDCCXC. T. 21. p. 238. 251. 283.) et Muratorium
(Antiqu. Ital. Med. Aev. passim.)

(2) Ταβουλῆριον. ταβουλῆριος, et ταβουλῆριος utroque mo-
do scribi advertit Ducang. h. v. ὁ ταβουλῆριος ὁ λογόγραφος.
Scholiastes Basilicorum (ad l. 60. t. 9.) De his tabulariis
sive scribis confer Montfauconium (Pal. Graec. c. v. p. 34. et
seq.) et Muratorium (Dissert. Sulle Ant. Ital. XII. T. 1. p.
92. latiusque in Antiq. Ital. Med. Aev. adde Mabillonium
De Re Dipl. L. II. c. 13.)

(3) κατὰ ἀρχαῖον νόμον καὶ δεσποτὸν δίκαιον. Iis verbis pu-
tem intelligi Romanas leges, quae antiquum ius constituent,
et Friderici II Imperatoris Constitutiones: nam ea aetate Ius
Romanum valere notum est, et Constitutiones anno a Ser-
vatore 1231. (Rich. a S. Germ. Chronicon ad h. an. T. 1. p.
255. et cron. Sicil. ib. p. 87 in collectione Perger. v. quoque
Montfaucon. P. G. L. VI. Proleg. p. 389.) id est 14 annos au-

tequam haec venditio scriberetur, promulgatae sunt opera Petri a Vineae eloquentissimi viri, ut eum Mattheus ab Afflictis appellat. (Vide Rapoll. Ius Reg. Neap. Proleg. c. VI. et Maffei. Ius Regni. Proleg.) Ideoque vertere e re duxi, secundum legem antiquam, et ius vicens.

(4) Vide quae dicam infra ad vocem *καταρροβιλλαι*.

(5) Vide Excursum de tarenis auri post adnotationes.

(6) Confer infra quae observo ad *καταρροβιλλαι*.

(7) Huc referenda est formula, quam in diplomate latino reperimus « Renunciationem ad hoc recepimus non numeratae pecuniae, et auri non ponderati, omni actioni, et » exactioni iuris: sed promittimus tam in iudicio, quam » extra iudicium, de iure quam de facto, et generaliter » omni legum constitutione, et consuetudinum auxilio (συν- » νηθεις) abstinere, quo praesens possit venditio infringi. » Quam formulam adhiberi solere advertit Blanchinius (Stor. delle Fin. del Regno di Nap. p. 283.) Diodatus etiam (Atti della Real Accadem. di Nap. 1788. p. 321.) duos solvendi modos fuisse observat in *pecunia numerata et ad pondus*. In hac membrana utriusque rei fit mentio. Quod vero attinet ad exactionem non numeratae pecuniae, ex Iure Romano descendit: (conf. l. 3. l. 5. et l. 8. l. 10. Cod. de non numer. pecun. et l. 1. et 23. Cod. de probationibus.)

(8) Διαταξεις — Constitutiones certe sunt Friderici II de quibus supra n. 3.

(9) Huius similis, sed quoad administrationem tantummodo, concessio in Pandectis reperitur: quam, quia graece est conscripta, refero, *ἐπιτρέψας σοι κατὰ πάντων ἐμῶν, οἷς θελεῖς πραγματεύεσθαι, εἴτε πωλεῖν θελεῖς εἴ τε ὑποκρίβεσθαι, εἴ τε ἀγοράζειν, εἴ τε ὁτιῦν πράττειν, οἷς κορίψῃ δυνε τῶν ἐμῶν* etc. (L. XVII. T. I. l. 60. §. 4.)

(10) Κορτή — » Curtes, seu Cortes ex plurimis praediis » constabant, atque pleraeque, vetustis temporibus villam » integram completebantur cum Ecclesia, in qua populo » Sacramenta ministrabantur, sive Plebs esset, sive subiecta Plebi, hoc est Baptismali Ecclesiae. Flodoardo teste, » quidam Presbyter de Bovonis Curte fuit: sic enim villa

» vocatur. Saepe etiam castrum ibi situm erat, ac inde
 » suum nomen Curtis ipsa mutuabatur.» Haec Muratorius (Ant.
 Ital. Med. Aev. T. I. p. 568.) Castra sunt Ducangio h. v.
 Alter tamen est sensus του κορτης in hoc diplomate; idem
 fere significat, quod apud nos *Corte*; βασιλεια κορτη est Regia
 Aula: et revera apud Castruvillarum, Regiam fuisse affir-
 mat Ginstiniani (Diz. Geogr. v. Castrovillari.)

(11) 'Αυγουσταλία. — Post ea pauca, quae de Augustalibus
 ait Muratorius (Dissert. sulle Ant. Ital. XXVIII T. I p. 472)
 cum ipse Diodatus (l. c. p. 345) de hac moneta fusius disse-
 ruerit, quaedam animadvertere e re duxi, omniaque ex eo
 per compendium referre.

Ac primum plurima cusa fuisse Angustalia demonstrat
 a magno numero, quem Petrus a Vineis reliquit (Bonati
 Astron. Tract. 5. Consid. 141.) Sed quod ex Mattheo ab Af-
 flictis (ad Const. reg. l. 1. Rubr. 22. n. 2.) probare vult,
 ea non amplius valere, cum anno MCCLXVII. Charolus
 Andegavensis ea recedendo ab hominum memoria tollere co-
 naretur; id videtur evertere alterum diploma, quod lausne
 proferimus, ubi anno MCCLXX etiam augustalium poena
 multantur, si resiliarent heredes: quod et iam notarat Claris.
 Fusco (Dissert. su di nna Mon. del Re Ruggier. detta Ducato
 p. 13. ex documento I. p. 67 adde Claris. Scottum Syll. Membr.
 T. I. p. 170. n. 2.) Dein quid hoc numi valuerit dum expen-
 dit Diodatus, Vergarae, Muratorii, Testae, Galiani, Carli,
 Schiavi, et Principis Turris Muciae opiniones refutat, qui
 omnes Richardi a S. Germano, aliorumque veterum scripto-
 rum verba varie interpretati, in diversas iverant sententias.

Ipse ea verba, ac praesertim Richardi a S. Germano
 locum explicat, atque angustale 15 carolenos valuisse ostendit.

Postquam sexcentis argumentis id omnino vinxerit,
 quod frustra quidam docti viri infringere tentarant, in
 ipsius Angustalis titulum inquirat, ac contra Malaspinam, Vil-
 lanum, et Borghinum 20 auri caratos, et dimidium in iis
 contineri affirmat: quod (ex Archivo della Zecca Registr.
 1280 lit. C, fol. 5 et Magistro Iacopo a Florentia v. Le
 Novell. Lett. del Lami del 1754 col. 292) mire probat. Prac-

terea Augustalis typum, et epigraphem ostendit, CAESAR. AVG. IMP. ROM. x. FRIDERICUS; atque occasionem arripit Poggium, Lirutum, aliosque reprehendendi, qui hunc numum Costantini aevo, Constantinopoli usurpatum fuisse assernerant. Nec non Apostolum Zenum, Muratorium, et Em. Borgiam captat, qui Augustalis nomen a Caesaris Augusti capite derivarant. Sed Muratorius hic captandus non erat, qui Apostoli Zeni sententiam, nec probans nec exprobrans affert (Murator. Antiq. Ital. Med. Aev. Dissert. 28. T. II. p. 737.) Diodatus retinet a capite eiusdem Friderici Augusti id nomen habuisse.

Postremo doctorum virorum errores uude manarint indagat, in auctorum locis explicandis, quibus confisi alterum Augustali valorem falso tribuerant.

Haec omnia magno iudicio, magnoque eruditionis apparatu disputata, id genus numos melius noscere cupienti omnino sunt evolvenda.

(12) το τιμημα — haec est multa quae irrogari consuevit. Pars Regiae Camerae, pars contrahentium alteri dabatur. Ita et in diplomate latino invenimus *medietatem Regiae Camerae*, et *alteram medietatem* ei cui promissum non praestaretur. Similiter est in contractu apud Muratorium (Antiq. Ital. Med. Aev. T. I. p. 567.)

(13) νοταριου και ταβουλλαρεου. Proprie notarius est qui per notas scribit v. Ducang. Glos. Latin. h. v. Vulgatum est illud Ausonii ad Notarium velocissime excipientem (Epigr. 146.)

Puer notarum praepetum
Sollers minister, advola.
Bipatens pugillar expedi,
Cui multa faudi copia,
Punctis peracta singulis,
Ut una vox absolvitur.

v. 12 paulo post Et mota parce dextera
Volat per aequor cereum.

v. 16. Tu sensa nostri pectoris
Vix dicta iam ceris tenes

- v. 21 Quam praepetis dextrae fuga
Tu me loquentem praevenis. etc.

Veteres his notis quoque utebantur ad acta iudicium excipienda : inde Manilius (Astronom. l. IV. v. 197.)

Hic et scriptor erit velox , cui litera verbum est,
Quique notis linguam superet, cursimque loquentis
Excipiat longas nova per compendia voces.
et mox (v. 209.) Hic etiam legum tabulas et condita iura
Noverit, atque notis levibus pendentia verba.

Ita est in Pandectis » *qui notis scribunt acta praesulis* (L. IV. T. VI. l. 33.) ubi Gothofredus (n. 26.) adnotat hinc Notarios derivasse. At postea veteri significatione remota , Notarius pro Tabellione usurpatum fuit. (v. Murator. et Montfaucon. l. cit. in n. 2.)

Praeterea ex his verbis nostrum Joannem et Notarium et Tabularium fuisse colligitur. Ille ergo Tabellio simul et Actuarius esse debuit : i. e. notarius tam in privatis instrumentis, quam actis publicis; quae duo munera coniungendi morem Friderici II. tempore invaluisse observat Rapolla (De Iur. Reg. P. I. L. IV. C. III.) apud quem de his tabellionibus , seu scribis , uti in lege Liutprandi (quam n. (17) referam) vocantur, multa reperies. Dicebamus *scribis*, ita enim vulgo appellabantur; at et *publicos scriptores* vocari iam probavit Mabillonius De R. Dip. L. 11. c. 13. §. 6. et c. 21. §. 9. Sed de ~~tabellis~~ ~~tabellionibus~~ contractibus generatim lege quae Mattheus ab Allictis in Constit. Baiulos omnes - amplissime commentatus est.

(14) *Καστροβιλλάρι* Castrovillari, Castrovillerium in diplomate ap. Claris. Equ. Agel. Ant. Scottum (in Syll. Membr. T. I. p. 44. n. 3.) urbs in Calabria citra 40 circiter millia passuum a Cosentia distat; vetus fortasse Aprustum Plinio (l. 3. c. XI.) memoratum. Siphei et Grumentum eversione exerevise dicunt Barrius (de Antiq. et Sit. Calabr. l. 5. c. 17.) et Marasiorius (Croniche l. 4. c. 25. p. 284.) quod et nostra firmaret membrana si vere sit le-

gendum, ut supra suspicati sumus (n. 5.), ἐν τῷ αὐτῷ ᾠδοῖ τοῦ Σιφίου in eo loco, quo loco Sipheum olim fuit; nec obstat illud ᾠδοῖ parum proprie dici, nam in hoc diplomate nedum elegantias minime desideremus, grammaticae quoque sunt sphalmata quaedam, quae nobis omne de τῷ ᾠδοῖ scrupulum tollere possunt. Nescimus Castrovillari nomen unde derivarit: atque eruditorum sententias ut meras coniecturas, referre piget. Quod vero attinet ad ἀστὴν τοῦ Σουβίου, fieri quidem potuit ut sub Suevorum dominatu Castrovillares sit cognomen inditum. Sed nec ego amplius coniecturis tribuendum censeo, quam par est. Expectanda igitur sunt clariora documenta, quae huic rei lucem affundant.

(15) Fridericus II. hoc anno imperii sui XXVI. nam a. MCCXX coronatus est imperator (Chron. Cavens. p. 148 T. 4. Chr. Suess. T. 1. p. 52. Chr. Sicil. ad h. a. T. 1. Perger) solemnem excommunicationem per Innocentium IV. Pont. Max. ietus fuit. (Raynal. Ann. Eccles. Caffar. Annal. Genuens. l. 7. VI. Rer. Ital. Murator. Ann. d'Ital. ad an. 1245. Heiss. Histoir. de l'Emp. Liv. II. T. 1. p. 170. Chron. Sness. h. a.) nec nisi suam inscitiam prodidit Ludovicus Raymus senior, cum Fridericum an. 1251. quo mortuus est, excommunicatum fuisse retulerit. (T. I. p. 189. Perger.) Id in celebri Lugduni concilio factum est. (Petr. de Curbia Vita Innocent. IV. T. 3. p. 1. Rer. Ital.) mense Iulii die XVII. ut refert Ioannes Bariola (Tom. 1. p. 308. Perger.) vel VII. (ut Tommaso di Catania a. 1245.) hoc est antequam hoc diploma exararetur. Fridericus enim imperator esse non destitit; nam ~~_____~~ Pontificum minas semper unius pili aestimavit. Hae quoque occasione advertit Heissius « Frideric aiant été averti de l'excommunication fulminée contre lui, temoigna de ne s'en pas soucier (ad an. 1245. p. 170.) Ita etiam Michael Ferni » Hic quia Ecclesiam (ut late ponunt historici) lacerare coepit: demum ab Innocentio IV dignitate privatus est: quem floccifaciens etc. (De Hist. Regn. Neap. c. XIV. T. 3. p. 146. Perger.) Hic scriptor Imperatoris etiam mortem a Manfredo eiusdem filio spurio ex ancilla suscepto, datam scribit h. l. quod et a compluribus aliis confirmatur.

Id vero negat, multisque argumentis infringit Auctor Operis *I Regali Sepolcri del Duomo di Palermo Riconosciuti, ed illustrati* (Napoli MDCCLXXXIV. p. 95. et seqq.) qui paullo supra (p. 91.) ostenderat Fridericum in gremio Ecclesiae diem obiisse supremum. Sed hic consistam ne magis extra viam vager.

(16) ~~ἐνδρακίον~~ ~~ῥαβδ~~ — Muratorii Calculi (in Ann. Ital. ad hunc an. (v. n. 17.)) qui eandem indictionem ponit, cum nostro diplomate coniurant amice: nec non epochae a Romualdo adnotatae apud de Meo (Appar. Cronolog. C. 1. Art. 3.) Et epistola Leonis IX de qua vide Mabillonium (De Re Di. c. 25. 7. et alia passim in eodem opere). Praeterea quae est in membrana altera latine conscripta, quam proferimus, Indictio 14. an. 1270: ita Richardus a S. Germano a. 1230: tertiam Indictionem signat (p. 242. v. 246. et 250. Perger.) et An. 1305. Mense Maio Ind. 13. lapis habet apud Troubelli (La Diplom. c. III. p. 6.) ut taceamus de aliis Indictionibus diligenter adnotatis, quae, subductis calculis, ad unguem convenire repperiuntur: subductis calculis dicebam, nam quibusdam eruditis, Indictiones XV. quoque anno absolvi; unumquemque vero annum a mense Septembri numerari, fortasse ignorantibus, XVI. XVII. XX. quoque Indictionem, ex prava manuscriptorum lectione excidisse miror. Quod ad ceteras discrepantias attinet in Indictione cum annis Imperatorum concilianda, nec non de anno Pisano in membranis usurpari solito; tenendum est quod ait Claris. Eq. Angelus Antonius Scottus (in Syllab. Membr. T. I. p. 11. n. 1. adde quae idem docte suggerit p. 76. in nota; et quae observat clar. de Aprea in eod. opere T. II. p. 24. n. 1. 29. n. 1. 143. n. 1. 144 n. 1. et alibi.)

(17) Annus ~~ⲥ ⲁ ⲛ ⲁ ⲛ ⲁ ⲛ~~ h. e. 6753. A. Christi 1245. respondet, ut videri facile potest si 5508 Aerae Graecae detrahas, ut suadet Montfaucouius (P. Gr. l. 1. c. v.) et de Meo. (l. c. p. 20. et p. 390. ex aeris.)

(18) ~~ⲙⲁⲣⲱⲛⲁⲛⲁ ⲛⲉⲣⲓⲥⲱⲩ~~. Iam ex lege Liutprandi, Iudicis praesentia opus erat in contractibus a Scriba autem, qui chartam ipsam scripserit, non aliter praesumat facere,

» nisi cum notitia parentum, vel Iudicis; et si aliter fecerit, sit ipsa venditio vacua, et praefatus scriba culpabilis, sicut qui chartam falsam scripserit. » (L. IV. l. IV.)
 Fili vero Iudices in privatis contractibus adhibebantur, et Iudices ad contractus dicti sunt, ut ex Constitut. Baisios omnes — videre est. Chartularii quoque nuncupati, ut observat Rapolla (P. I. L. V. c. III.) quo loco de his peculiaris est sermo. Friderici tempore duobus, ad minimum, testibus opus erat, Iudice, et Notario, in instrumentis, quibus obligatio initur quantitatis auri libra minoris. v. Constit. Instrumentor. Robur. (L. I. Rubr. 79 init.)

Finis adnotationum

EXCURSUS

De Auri Tarenis.

I. *Πρόπριε τάρπων* est pondus 20. acinorum seu gran. (v. Ducang. Glossar. Graec. h. v. et latius in Gloss. Lat. v. Uncia.) Deinde etiam ut moneta inductum est, tumque pondus tarpisium dictum, quod apud nos *trappeso*.

Huius monetae originem ignoramus; tantum cum De Meo (Annal. Crit. Dipl. an. 904) animadvertimus, X saeculi initio eius mentionem reperiri. Parum accurate de hac loquitur Muratorius, cum, paucis sane verbis, ait « hosce » tarenos in Regno Neapolis, et Siciliae cudi, a Leone tarenensi Osiensi (Chron. Casin. 1. 3. c. LVIII.) tarenos quoque Africanos memorari » (Dissertaz. Sulle Ant. Ital. Dissert. 28 p. 476.) Sed quales sint hi Africani auri nos scimus cum ignarissimis.

Miror Clariss. Equitem Blanchinium tarenis utrum auri, an argentei essent, nuper dubitasse. (Stor. delle Fin. del Reg. di Nap. V. l. p. 59) Dominicus enim Diodatus, iam pridem, aureos extitisse demonstrat. (v. Atti della Real Accad. p. 330 et sequ.) quod a nostro diplomate firmatur, ubi *τάρπων χρυσόν* aperte nominantur. Sed Vincentius Venutus (Opusc. di Aut. Sic. T. VII. p. 59.) suspicatus erat, tarenorum nunquam veram monetam fuisse, sed tantum ad commodam partitionem adhibitum. Id nos minime negamus, at aureum nummum, *tarenum*, *terum*, gr. *τάρπων* nunquam extitisse, et Neapolitanum huius aevi tarenum, i. e. 20 granos valuisse asserimus. Id validis argumentis probare nitimur, Clariss. Virorum opinionem sequuti, Diodati in Rei Neapolitanorum nummariae illustratione, nec non Fusco de augeo Rogerii scutato erudite disserentis; quorum documentis nos praesertim utemur, ordine chronologico ca disponentes, quod ad huius monetae histotiam pernoscendam

plurimum facere potest. Nos ipsi vero peculiare quoque observationes adiiciemus, quae dum scribebamus, in mentem veniebant.

II. Quod ad nominis etymon pertinet, Comitum Caroli sententia reiicienda videtur, qui post Ducangium, tarenum primo Tarenti eum fuisse, indeque nomen cepisse censet. (delle Zecch. d' Ital. T. I. p. 156.) Nec magis placet Claris. de Ritis opinio, qui sustinet tarenum esse quasi alicuius monetae trientem; (Annal. Civil. A. 1837 Mag. e Giug. p. 77 n. 56.) nulla enim demonstratione probatur. Melius fortasse Doct. Sclavus (*Il Tari d'oro*) opinatur qui cum perpenderet, ex iis usque temporibus, quibus in Siculis regionibus Arabes dominabantur, huius numi memoriam extare, a vocabulo Saraceno Tarain, sive Chaldaeo Tariia commercium, negotiumve significantibus, huius nominis originem derivari, existimat.

III. Vetustiores argentei tarenus Amalfitani gr. 12. et dimidium valebant. (Matteo Cam. Ist. della Cit. e Costier. d' Amalf. P. I. p. 216.) sed eorum valor ad gr. 13. cab. 4. nostrae monetae protractus est, ut iam ostendit Diodatus (l. c. p. 344.) post Chiaritum (Coram. ad Cont. de Instr. Conf. p. 112 in nota.) Sed nostri instituti quidem non est, aliquid de argenteis tarenis observare, ad aureos igitur transeamus.

IV. Amalfitanorum fit mentio in instrumento anni 1076 his verbis. » Et propter confirmationem huius venditionis, » ipsi venditores susceperunt ab ipsis Theodoro, et Leone » statutum pretium auri solidos 110 quorum quisque habet tarenos auri 4 ex moneta Amalfitanorum. (Arch. Cav. » Arc. 10 n. 494 Arc. 27 n. 27 Arc. 101 n. 272.) Ita Ioannes Baptista Gonsalves apud eundem Mat. Cam. l. c. » Extantur (fortasse extant) monetae, quas ad praesens » videmus Reipublicae Amalfitanae, et in constitutionibus » Regni poenae eas (fortasse eis) iniungebantur in tarenos » Amalfitanos.

Nec reticendum est de formula in contractibus adhiberi solita » Tarenus boni di Amalfic, directi, et pesanti, de

» uncia quinque de auro, et quinque de argento, ana tari
» quatuor per solidum. (Arch. Capit. d'Amalfi pergam. n.6.)

Improbandum ergo est quod laudatus de Ritis asserit Tarenos Amalfiae vetustiores argenteos tantum fuisse (l. c. n. 33.) Friderici II vero temporibus aureos inductos. (l. c. p. 72 et seqq.) nam paulo supra vidimus aureos a. 1076. iam cudi.

V. Sequuntur tarenii Siciliae; de quibus legimus in Archiv. Gener. chartar. S. Leonardi Matin. a. 1171 « *quatuordecim unciarum auri, de tarenis Siciliae*: et a. 1186. « *Uncias auri de bonis Regiis tarenis de Sicilia XXIV. quibus numeratis, dicimus apud nos eas habere totas.*

In his documentis, cum unciae tarenis consent, uncia non realis est partitio, quia quibusdam numis conflatur, tarenii ergo vera moneta esse debent.

Documenta quae ad Siculos tarenos referuntur, tantisper deseramus, ut redeamus ad Amalfitanos. Fridericus II. eos an. 1221 cudi iussit; ita Richard. a S. Germano ad h. a. *Tarenii novi cuduntur Amalfiae. Novi*, nam vetustiores quoque tarenos Amalfitanos fuisse, supra animadvertimus. (IV).

Hac moneta Fridericus contentus minime fuit: anno enim 1222, ut narrat idem historicus, denarios Brundisii invexit, cassatis tarenis novis Amalfiae. Vox *cuduntur*, altera *cassatis*, fictam monetam notare non possunt: hinc colligi potest quo pacto eorum opinio sit excipienda, qui tarenorum a veris numis reiiciunt.

Non cessavit tarenorum Siciliae usus, etiam novis Amalfitanis *cassatis*. A. 1235 reperimus « *Uncias boni auri* » ad generale pondus Regni octo Siciliae tarenorum » (apud Fusc. l. c. p. 11.) In nostro graeco diplomate a. 1245. *ταρια χρυσου* nominantur, videturque de Siculis tarenis esse intelligendum, quippe iam Amalfitani fuerant a Friderico *cassati* sive recusati, ut id vocabulum apud Richardum a S. Germano interpretamur.

A. 1255. « *Unciam auri unam, et tari auri septem, et* » dimidium bonorum tarenorum Siciliae bene ponderatorum. (Fusc. l. c.)

A. 1260. « Unc. auri quinque tarenorum Siciliae ponderatorum. (ap. Fusco. l. c. p. 11.) »

In his duobus diplomatis dicitur *uncia auri tarenorum Siciliae*, et tarenum verum fuisse numum adhuc dubitamus? idem est quae retulimus verba adhibere, ac unciae partes numerare, ut si quis, nostra aetate unciam argenti diceret scutatis, sive carolenis constantem.

In opere Cardin. Garampi de vetustioribus numis Pontificiis, quod laudatus Cl. Fusco ineditum possidet, quod sequitur documentum refertur. » Tarenorum Aurum, quod » laboratur tam in Sicla Brundusii, quam in Sicla Messanae est de caratis sedecim, et tertio; ita quod quelibet » libra auri unciarum duodecim, tenet de puro, et fino » auro uncias VIII. tarenos V. Relique vero uncie auri tres, » et tarenii XXV. sunt in quarta parte de ere, et in tribus » partibus de argento novo. (Fusco. p. 10. n. 1.)

Hinc occasionem arripimus quarundam Richardi a S. Germano editionum errorem reprehendendi, qui scriptor ad a. 1231. » Nummi aurei, ait, qui Augustales vocantur de mandato » Imperatoris in utraque Sicilia (ut est in collectione Pergeri) Brundusii et Messanae cuduntur: quo loco Sicla reponendum videtur: vide sis etiam in Fusco Documentum I.

En tibi Charoli I. Andegavensis verba rei nummulariae Baroli praefectis perscripta, non a. 1267 uti affirmarat Diodatus, sed 1266 ut Fusco ostendit. » Quelibet vero libra » auri in pondere de auro puro contineat uncias octo, tarenos quinque in pondere, sicut eiusdem tenute erat aurenus tarenus, quod olim in dicto regno fiebat, et quod » quilibet tarenus, quem cudi, et laborari faceretis in sicla praedicta, sit in pondere videlicet gran. 20. (Fusco p. 66 Diod. l. c. p. 332.) ita quod triginta tarenii ex ipsis » in numero expendantur, et sint in pondere uncie auri unius. (Vide Archiv. della Zecca. Reg. n. 80 f. 5.)

Denique Magister Iacopus a Florentia a. 1307. seculi XIII monetas enumerans » Trenta Teri, ait, sono un'oncia » d'oro, ed i venti grani sono un tero d'oro. (Lami Novel. Letter. del 1754 Cl. 297.)

VI. Ex iis omnibus quae diximus aureom tarenum, ut verum praesentemque numum, extitisse aperte colligitur. Nunc huius monetae valorem ostendere opus est.

In Archiv. della Zecc. (Reg. n. 80 fol. 5.) dicitur Reales, quos Augustalibus substitutos fuisse scimus, tarenos VII dimidiumque valere, sed 15 carolenos Augustales valuisse certo certius est, tarenum ergo aureum, 20 gran. sive argenteum huius aevi tarenum valuisse, dubium non erit.

Locum citatum referre haud pigeat. » Quilibet vero libra auri tarenorum in pondere de auro puro contineat » uncias octo, et tarenos quinque in pondere dictae tenute, » sicut erat aureus tarenus, quod olim in dicto regno fiebat, et quod quilibet tarenus quem laborari, et cudi » faceretis in sicla praedicta sit in pondere unius tarenus, » videlicet granorum 20. Ita quod triginta tarenus ex ipsis » in numero expendantur, et sint in pondere unciae auri » unius. Sed nunciam auri 60 carolenos, 10 granorum quemque, valuisse ostenderunt Diodati (l. c. p. 330) et Fusco (l. c. C. I. p. 10 et 18.) igitur aureus tarenus duobus nostrae monetae Carolenis erit aequalis.

De Tarenis fit mentio quoque in membrana relata a Clar. De Aprea (in Syllab. Mem. T. II. p. 73. (a. 1291.) et in altera p. 162. etc.) Tarenos in granos dividi ex superscripta membrana in qua, *grant*, et ex altera relata (ib. p. 79) in qua *grana* vocantur potest dignosci. (eod. an.)

In Regni etiam Constitutionibus tarenorum mentio invenitur v. Bainlos omnes.—Sic nostra servitia—Castellani et servientes (L. I. Rubr. 88. 1.) ubi medius tarenus memoratur; adnotatque Matheus ab Afflictis, medium tarenum cum 10 granis equiparari. In alia—Qui nunquam sciri potest, — habetur » Medicus ab aegroto non recipiat per diem ultra dimidium tarenus auri » idemque adnotator affirmat *Salarium quolibet die sit gran. X.* (L. 3 Rubr. 33. 3-5. fol. 159.) Ita et in Constitutione Quicumque mulierem, cum de 4. Augustalium poena loqueretur » ista poena » inquit, non est magna poena, nam quatuor Augustales » valent carolenos 60 seu tarenos 30. » Ast quatuor Augustales

unciam auri efformant, ut dicit Richardus a S. Germano « ut quilibet numus aureus recipiatur, et expendatur pro « quarta unciae » quodq: multis argumentis Diodatus ostendit: uncia vero auri 30 tarenis constat; inde efficitur ut 30 auri tarenos 4. Augustales, seu 60 carolenos valuisse appareat.

VII. Si quis nostro graeco diplomate abuteretur, ad dubia de hoc valore iniicienda, cum pene incredibile videatur, Augustalium 36 Regiae Camerae, duplique poenam contrahentium alteri praestandam irrogari, praeterea nimis leve esse diceret vineae pretium: nos primo responderemus auri argentique valorem, novis effossis metallis, decrevisse, nec non vineam illam parvam esse potuisse. Multae autem magnitudinem non est quod miremur, harum namque similes in aliis contractibus inveniuntur: immanesque a Friderico imponi solitas, multa probat 100 auri unciarum, quam iis minatus est qui brucos agros vastantes colligere supersedissent (a. MCCXXXI. Rich. a S. Germ.)

Sed quod addimus obiectionem omnino diluit. Fridericus Constitutione—Instrumentorum robur—duo, ad minus, testes requiri statuit, in instrumentis, quibus obligatio initur quantitatis auri libra minoris, (v. n. 17 ad dipl.) sed in hoc contractu duo testes subscribant, ergo 12 tarenis cum auri unciam minime supergredi debeant, quoquo modo, inter contractum multamque haud discrepantia cessaret.

Hic autem observare nobis liceat, constitutionem paulo supra laudatam, quoad obligationem primitivam, duo testes requirere, quum auri uncia sit minor: sed id valoris multum posse superare, quam, debitor nisi solvisset, poenam pollicebatur.

VIII. Sed aiunt cur hi numi nusquam inveniri queunt? Iam supra (V) vidimus Fridericum tarenos Amalfiac novos *cassavisse*; dicendum est, cum non amplius aurum tarenis usurparentur, postquam commodior argenti tarenus invectus est, totum illud aurum rursus fustum fuisse, atque ex eo recentiores monetas Principes cudi iussisse. Eodem plane modo de Augustalibus evenit, quorum Matthaei ab Af-

flictis temporibus, iam pauci reperiebantur, ut ipse ait (ad Const. Reg. L. 1. Rubr. 22. n. 2.) atque ab iis numis cusi vix duo saecula transierant:

Verumtamen inter tot tenebras, quosdam tarenos invenire, aliquibus sorte obtigit. Quem laudavimus Mattheus Camera, rerum patriarum amantissimus, ac patriae suae antiquitatum haud incuriosus investigator, nullum talem numum reperire potuisse testatur. Ioannis Baptistae Manso inventionem in dubium revocandam censemus; (Cam. op. c. p. 217) Verum tarenus a Normannis cusi habentur apud Clar. Fusco. (op. c. p. 56.) nec non unus Friderici II (ib. p. 10.) alter Friderici ap. Diodati (l. c. p. 334) qui omnes appensi 20 acinorum ad amussim inveniuntur.

Factum igitur eorum obiectionem evertit, qui mente concipere non poterant, quo pacto tam parvus numus cuderetur.

IX. Quae diximus breviter contrahentes haec pauca subdere placet. Vetustiores tarenus Amalfitani fuerunt, dein Siculi; praeterea novi tarenus a. 1221. Friderici II. iussu sunt cusi, et sequenti anno recus: sed Siculi usque ad XV saeculum, in contractibus usurpari non destiterunt.

Vidimus unumquemque tarenus 20 granos valere, cum pars unciae trigesima fuerit, unciae autem pondus 60 gr. et valor 60 caroleni.

Postremo observavimus paucos numos huiusmodi nobis esse translato propter pecuniae diversitatem, quae postea inducta, effecit ut tarenorum aurum funderetur. At illi quidem pauci tarenus extitisse satis probant, nam saepe unus numus ad alicuius monetae veritatem demonstrandam sufficit. Exemplum praeclarum nobis praebuit vir laudibus meis maior Claris. Eques FRANCISCUS AVELLINIUS Nomen mihi venerandum, animoque meo carissimum, qui a. MDCCCIV. ineunte adolescentia Ariadnae Augustae numus, tanto molimine a Numismaticis quaesitum, frustra desideratum, cum docto commentario primus obtulit; quem quia unicum reiicere velle stultum atque ridiculum foret: sed iam unicus non est; nam alterum similem Iudici Ianuario Riccio

reperitum ex eiusdem magni viri ore audivimus. At Goltzii quoque sunt quorum de fide dubitare debeamus: sed nos illud Cassii sequuti: *Cui bono?* quod tamen apud eruditos parum valere scimus, audacter dicemus, cur Fusco, et Diodatus nos fallere voluissent nulla erat causa; praetereaque eos numeros quisque inspicere potest, rei que veritatem suis oculis noscere, quibus certe fidem non denegabit.

MEMBRANA LATINA

EX ARCHIVO CASTROVILLARI.

✱ Signum dicti quoque Iohannis Maczacudardo subscriptae venditionis, instrumenti, et acquisitionis subscriptae.
✱ Signum manus Auriperti filii eius ✱ Signum manus Leonis filii eius. ✱ Signum manus Emmae illius filiae ✱ Signum manus Turturae aliae filiae.

In nomine Domini amen. A. ab incarnatione ipsius millesimo ducentesimo septuagesimo, mense Martii, quartadecima indictione. Regnante Serenissimo Rege nostro Charolo inclito Rege Siciliae, Ducatus Apuliae, et principatus Capuae, Almae Urbis Senatore, et Andegavensium, et Forcalquerii comite, ac Romani imperii in Tuscia per totam Romanam Ecclesiam Vicario Generali — Regni eius anno sexto feliciter amen.

Nos Prisca, et Iohannes Maczacudardo filii quondam Salvatoris Castruvillari, qui signum Crucis supra manu propria compressimus, praesenti publico scripto notum facimus, et testamus in praesentia virorum saecularium, et Iacobi de Domno Ruma (fortasse) Castruvillari Iudicis: Philippus de Elidamno apparuit coram, noster Notarius, et testes subscripti ad hoc specialiter vocati, et rogati, quod nulla vi, dolo, metu coacti, seu suasionem aliquam adhibita, sed nostra gratuita, et spontanea voluntate vendidimus, et tradidimus tibi Magistro Nicolao Benedicto de Cassano, habitatori eiusdem terrae Castruvillari, dilecto consanguineo nostro pro te, et tuis heredibus, et successoribus in praesentia nostra; quantum habemus, et possidemus in tenimento Castruvillari, in contrata quae dicitur Campum Malum, cui autem fines sunt ab Oriente terra illorum de Osmudo (fortasse) ab occidente Olivetum Monasterii Aquaformosae, a meridie Terra illorum de Carbone (fortasse) et a Septentrione via, per quam acceditur terrae praedictae, ubi dicitur Govedo: praelio, et integro pagamento recepto et habito a te praedicto Magistro

Nicolao, emptore ad quantitatem traditam boni, et electi auri, tarenorum viginti duo, et dimidii. Renunciationem a hoc recepimus non numeratae pecuniae, et auri non ponderati, omni actioni, et exactioni iuris; sed promittimus tam in iudicio, quam extra iudicium, de iure, quam de facto, et generaliter omni legum constitutione, et consuetudinum auxilio abstinere, quo praesens possit venditio infringi. Et te inde ad corporalem possessionem ipsius terrae inducimus: bene autem nobis placuit, et placet, ut dicta terra sic in ante in tui tuorumque heredum, seu successorum dominio, et potestate consistat, ipsam adiuuandi, donandi communicandi, et faciendi in ea, de ea, et ex ea, quicquid verus, et legitimus dominus de rebus praedictis facere posset; sine nostra, vel nostrorum heredum, sive successorum molestia, et contrarietate; immo per stipulationem sollemnem praedictam terram nos dare promittimus, ita etiam defendere, et inconcussam tenere ab omni honore (sic), et pondere. et nullo usquam tempore, quatenus per te, seu per heredes nostros, ut si per aliquam personam supervenientem. si forte conveniunt in aliqua persuasionem, nec vestram causam tibi, et tuis heredibus nos et heredes nostri defendant, sponte ad invicem debere poenam compositam Augustalium triginta et sex; medietatem regiae Camerae, et alteram medietatem tibi, et tuis heredibus persolvendam: quae poena solvitur, ubi non solvitur praesens scriptura, quam notificamus, et suo robore perseveret — Unde ad futuram rei memoriam, et tam tui, quam tuorum heredum cautelam, et securitatem perpetuam, instrumentum tibi experiri fieri iussimus, per manus praedicti Notarii, Iudicis, et subscriptorum testium subscriptionibus roboratum.

✱ Ego qui supra Iacobus de Domino Ruma Regia auctoritate Castruvillari Iudex —

✱ Ego Robertus Panzone testor —

✱ Ego Athanasius Battapede testor —

✱ Ego Franciscus testor —

✱ Ego Raimundus de Romaldo testor —

✱ Ego Thomasius de Marchisio testor —